

(◎) 社說

# △歐洲大戰後之世界

(南風)

世界五年之大戰。擾亂和平。推原禍首。乃由德人之強暴。希冀以武力稱霸全球。誰知最終之結果。却被他人所屈伏。夫協商系今日之能戰勝中歐諸國。使之懸白旗為城下之盟者。雖亦由軍隊之武力所奏效。然苟無挾持公理正義以為之前驅。則此武力之告捷者。亦適成其為強力之壓制耳。惟協商系則因德人之摧殘人道。毀壞中立。破裂條約之行動。而不惜犧牲其無量數之生命與財產。以勦除世界之蟊賊。協商系既本此同一之目的。以作戰。則今日之戰勝。非是武力之戰勝。而寔為正義公理之戰勝者也。窃思德人此次既以強權暴力。受世界公共之懲罰。則此戰之影響。必能為世界之大教訓。從此後全球各國中。任何野心之一國。當不至再恃強權暴力。以蹈德人之覆轍者也。然則此戰之後。世界之永久的和平。將從此有寔現之希望乎。此非吾儕所敢知。然吾儕可以幾年來世界各強國所提倡之人道主義。而預必之者也。今記者請略舉現辰各名人之論調。而概觀戰爭後世界上之趨向。

## ▲歐戰媾和之主張

歐洲和局會議。大約於明年正月開始矣。此次會議。其關係於各國土地經濟之情形者匪淺。蓋因此會議。而廓清世界競爭之暗礁。奠定人類永久之福祉。此亦參與和局中各國之趨向在是也。欲證此趨向之正確。則吾儕試尋繹美總統之演說詞。便知矣。據十一月十五日華盛頓電。美總統威爾遜對國會兩院聯合會演說。其中一節云。

戰爭之目爲何。吾人亦旣知之。彼昨日尙儼然爲德國主宰之人。心目中之武裝帝國主義。一旦化爲烏有。蓋彼以不法之野心。自造不堪之慘禍。結果如此迅速。亦爲吾人所不料。然則誰又願恢復此種贊武主義爲哉。總之。彼德國軍閥之專制威權。曾一度以秘密之方法。任意擾亂世界和平者。今已遭世界之吐棄而毀滅矣。所有共同作戰之列強。今已以同一之目的。切寔結合。務期造成一種和平。以饗全世界人之所殷殷期望。期望維何。卽大公無私之謂。一切解決。以此爲根據。凡經如是解决之者。必如何爲可保長久而後可。若夫戰勝諸國之心理。無庸加以猜疑。緣目的所在。不外乎一秉所立之志願。共同協力。保護弱邦。並予以強國素享之權利而已。

至若對於中歐各國之問題。則威總統以爲欲得彼等有真確之政府。向我會議。以保證其國際條約之可靠。則戰勝各國。現辰宜平心靜氣。對於彼新政府建設之事業。一切加以扶助。使彼等能實行掃除前此贊武之政府。而不因種種危變。自生紛亂。威總統曰。

今日世界之主權者。乃屬於現辰能保存其自治與法治政府。而將來如何。則能爲與人類作真友者之人民與國家。所當享有也。今日以武力戰勝者。祇可謂之爲暫辰之勝利。余又深信凡此次曾受自由教訓而能實行之國。必將自今日始。以友邦之義氣。爲其久受專制甫脫羈絆而未恢復自由之人民。以戰勝全世界之任何國的武力。今於力求自由之際。當知徒恃作亂。決不能獲寶貴之自由。蓋有前車可鑒。歷史上以流血而闢之徑途。終必至茫茫前顧。而絕其希望。今者此種試驗。已懸在若輩眼簾之前。吾人正當大放光明。昭耀彼輩以正道。待彼輩之自悟而已。

觀此則此次和局會議。協商各國與美國。必當如何公認中歐各國真確之政府。然後可望於和議辰。有真確之担保。此則亦戰勝各國之所當審慎以對付也。若夫和議辰對於各敵國。如何處置。如何懲罰。吾儕另俟此後和議條約之公布。今亦無從猜測。惟確知屆辰此啓釁之各敵國。當必負戰爭之責任無疑也。他若世界此後如何保持永久和平之間題。則或有唱爲組織成一列國公會。超出現於各國家之上。以爲公共之裁判所。卽如美總統於募國債期之演說有曰。『人類應有大同之團體。公認其爲神聖不可侵犯之公署。』云者。噫此等理想誠高尙矣。然可必其有寔現之一日耶。夫人類之慾心無窮。則恐大同主義亦僅成虛想已耳。夫前此一八七九年及一九零七年。海牙和平之兩次會議。非本弭戰之目的。以組織之哉。而何以中立之破壞如故也。土地之侵掠如故也。豈和平爲一怪物。不可寔現於世界耶。吾儕試觀德國人近今十年之理想。則知歐洲有一種學說。能爲世界和平之蠭賊者。

德國教員拉孫 (Lesser) 氏。曾著一書名之爲『理想上之學問及戰爭論』。其論及國際交涉有曰。『此國家對於其他之國家。原無一定之法律。旣謂之國家。決無有犯罪之可言。』尊重條約之事。非屬於法律上之一問題。乃屬於權利之問題而已。弱者縱有如何條約。亦不過爲強者乘辰魚肉之媒介而已。此等現狀。亦無背於倫理。以其與事寔融合也。國家者。當視爲有智識之物。何則。國家上相對之爭點。惟憑物質上之強力方可解決之一論。及中立國。則有曰。『凡有文明學術之民族。道德上之價值。全在乎強力而已。』欲文明學術之各形狀。只和平而發達。是乃奢望其難達之事功。抑亦顛倒其世界之秩序。而又何啻以異端之一偶像。高設乎眞道德之壇坫中也。和平希

望之蓬萊仙島。特不過一無識者之口頭禪。抑亦故意之欺人一語耳。」論及條約則又曰。「干涉他人之權利。其界限只視乎對我者之能力。苟成功有可達之一日。則非僅干涉者乃爲正當之舉。而轉成其爲對於我國家上有重大之責任。」

夫祇知自己國家之擴張爲必要。而運用其擴張之野心向外施征服吞并之舉動。既有此方面之主動。則必有他方面之反動力以應之。此歐洲戰禍之原因也。今欲弭戰禍。則最先者宜泯絕其作戰之原因。而欲泯絕其作戰之原因。則當遏滅德人之私慾的學說。以人道公理爲之前提耳。茲吾儕又舉美國某名人之著述。以徵其與德人相反之理說。據某名人立論。專歸咎於舊時國家觀念之差誤。以啓成戰禍。雖從毫際觀之。世界未達於大同之日。則凡立國於天地間。亦不免藉此國家觀念以生活者。故吾儕未敢必此理說之能見諸毫行。然觀此理說之提倡。則足知今後公理人道之主義。當必爲世人所傾向無疑也。近日美公使黑勒 (David Jayne Hill) 氏有著一書。名爲「歐洲之再造」。經法國 L. P. Alaux 先生繹出法文印行於巴黎。其書中之要旨略謂。

歐戰之原因。乃由國家觀念之差誤。歐洲人謂國家爲超然的機關。具有行爲能力。人民宜知服從而已。抑知夫國家者。特不過由民意的構造。以保持人民之權利而已。國家之權力。即兼人民之權力而成之者也。國家觀念之差誤。有兩辰期。第一辰期。則國家只屬於君主一人。土地與人民。皆君主之私產。可自意割與或收用之。第二辰期。則國家爲一大公司。君主者。其管理也。人民者。其股東也。只謀向外侵掠吞併。以求自國之強盛已耳。夫歐洲今日之擾攘者。乃由國家觀念之差誤之所致也。欲保存世界文明之局。宜掃除前此國家觀念之差點。而組織一列國公

會夫合各人之份子。則成國家。然則合各國家之份子。亦可成國際公會。今日則爲民治政體之辰代。觀於歐戰之結果可知矣。此之民治政體與列國公會已脫離於一私人與一國家壓制之圈籠外。則宜傾向於公共之目的。目的惟何。卽從公理以解決世界者也。此次戰爭德奧諸國徒本此差誤之國家觀念。以啓蒙協商諸國出而力爭者。雖亦各持特別之目的。然於戰爭辰期中。亦已宣佈於世界曰。此戰之第一義。乃爲公理人道而作戰。果爾。今公理人道已戰勝矣。則何難本此公理人道。而造和平之基礎哉。

卽某公之著述以觀之。則吾儕想可爲世界人類生無限欣喜。然大同之期恐未可以旦夕期望矣。惟望戰勝之各強國。常不忘夫戰爭辰所宣佈之人道主義。以爲其弱小者。提挈而護持之。今世界內其所依附於強有力。而且夕焚香尸祝。以乞憐於人道之民族者。想不少矣。彼世界之善神。於功成後。其必念此等弱小民族。而分賜之以一份之恩惠乎。法總理格雷曼梭公演說有云。『吾人之作戰也。爲擁護人道計。』嗟凡我庇蔭於三色之旗下者。亦惟求得享人道之幸福。而歡欣鼓舞者也。其和平之組織如何。豈吾儕所敢知哉。

## ● 飛將邱尼默 (Guyemer) 先生傳

〔阮伯卓〕

此次歷史上獨一無二之大戰。英雄豪傑出現於世界者。不知凡幾。然語其由少年之學生。奮身以擔戰場之任務。出生入死。凌風冒雨。披忠烈之肝。立顯赫之業。以發揚祖國之精神。迨至間關百戰之餘。俠骨忠魂已歸于冥漠。而猶令人戶祝崇拜之不置者。則無以逾於法國飛將邱尼默其人焉。

先生以千八百九十四年十二月二十四日生於巴黎城。爲邱尼默舊族之裔。先世居於貝盧尼(Boulonais)繼移居於貝拉丹(Bretagne)貝拉丹者一尙武之區而徵之歷史。邱尼默舊族亦多產出著名之戰士。父某爲舊步隊軍官。曾由聖西爾(Saint Cyr)學堂出從軍十年者也。先生家世尙武勇敢之氣得諸血族之貽傳性。一千九百十二年在中學堂領得文科及格致科卒業文憑繼投士鐸尼勒(Stanislas)中校習預科以預備考入工藝大學校(Ecole Polytechnique)至千九百十四年校長察先生之體格羸弱不適於投考乃勸先生在外以從事體育故於開戰辰期先生避暑於比亞利西(Biarritz)纔聞有戰信先生欲卽行投伍三次投志願書終不得預選因先生體弱故醫官不之認受也。最後先生偕其父往拜溫(Bayonne)軍次先生請於父爲向某兵官說項某兵官告其父曰「公曾從事於軍隊也。公試思令郎如此體弱豈能擔騎兵或步兵之任務哉。」其父聞之知先生無從軍望悄然有戚容。

雖然先生素得家庭良美之教育年甫弱冠而有丈夫氣雖所如不合志未嘗少餒。

一日先生覓得介紹書以達於逋(Pau)城飛機校之監督彼那司耳利(Bernard Thierry)大尉先生於面晤時告大尉曰望大尉收我俾予得以身爲國殲大尉曰余現缺一飛行學生君意允否君前此已未入伍乎對曰未也予此來專請大尉惠給一紙俾拜溫城選兵處準之入伍也。

一千九百十四年十一月二十三日先生得準入伍從此而先生之志遂矣先生得列爲一戰卒矣。方在逋城辰先生終日工作備嘗艱苦然先生茹苦如甘和汗而食席地而眠泰如也未幾充爲機廠習事員而先生敏幹靈巧之別才卓然見矣蓋先生少辰於各種遊戲品特能精心製造且亦能

利用電力與沸汽之各機關也。飛空事業先生有志久矣。方在中學堂辰法國一日演試環繞歐洲之飛行。某飛艇忽然飛過於校舍旁。先生覩之。神與俱往。迨先生置身於逋城之飛機廠中。感受此中興味。而夙志因之愈奮。回憶記傳中所誌飛行著名之人物。則自念曰。以余若許男子。豈終是作廠中一習事耶。豈不能乘此翻翻白翼。與敵人相見於戰場上耶。先生乃極力運動其父之舊同學友某。向飛廠監督說項。千九百十五年正月二十五日。先生得充爲廠內機手學員。從此專學司機。而先生之志遂矣。是年三月。派往阿窩(Avord)兵營受業於德路(Deroze)公。先生此後飛行手段之敏。寔得於德路公之教訓也。四月得飛行卒業文憑。五月八日得陞爲飛行隊中士。在營學習。至六月八日得補任『鶴鳥』飛艦隊。先生入隊後。而冒雨衝風入神出鬼之手段。從斯始展衛德林(Védrines)公見先生年紀尚幼。而具有武勇剛毅之精神。欲陶練之。使於天空戰鬪。辰不爲狂風暗霧所震懾也。

一日天向晚。暴風將起。公命先生上機。機被風打落下者五次。然先生決與風爭。屢跌屢奮。而衛德林公亦臨其旁。指示各種方法。飛艦隊中人曾戲名之爲『小童子』。然未幾而此『小童子』竟成爲壯氣絕倫。毅力出衆之丈夫矣。先生入鶴鳥飛艦隊之後。得令護從棍公(Colomb)大尉乘飛艇以偵察及攝取敵砲兵陣地之影。經一點半鍾之辰間。先生舒徐往來於敵陣上。雖敵砲注射命中機翼多處。而飛行泰然不稍動。此後大尉曾告先生父曰。『今余方知君兒子之勇也。飛行辰。余曾勸彼曰。吾儕之任務告竣。可以歸去矣。然彼只寬徐而飛進。且曰。望大尉其惠撮此敵人所射來之彈片。』大尉歸隊。辰語貝路哥(Brocard)大尉曰。『公誠有絕倫之機手矣。』貝大尉答云。『誠然。僕知之稔矣。』

然此等手段。先生不以之自足也。先生之旦夕願望者。得與敵人爲天空之戰也。先生常曰。『余誓必於九霄間。撲滅彼博豕而後已。』夜間每於早二點起身。薄近機廠。注目天際。如餓虎之伺肉。同輩見先生之行動。亦私相窃笑。常問先生曰。『童友乎。君已伺候天空。博豕於此乎。』先生答曰。『是也。余決在得博豕而生擒之者也。』

(博豕乃指德人卽豚豕而博學也)

七月十九日。先生見天際有微微影動之一黑點。正爲敵軍之一飛機也。先生乃急呼自己之司機夫稽達(Guerder)氏曰。稽達君。以余機來。博豕在是矣。辰稽達君睡初起。未及著軍服。與先生齊上機。望敵機而進。然凌空辰則彼德機已遁矣。先生遂轉舵歸去。忽見後方有一黑點。卽其他之一敵機。向法軍前進。先生力追之。相遇於梭孫(Soissens)城上。兩機距離約十五西尺。開始交戰。約十秒鐘。稽達氏方以機關槍向敵發射。忽敵彈中其臂。又一彈掠過頭上帽。爲之落。然機關槍炤常發響。至第一百十五彈。而命中敵機之機手斃矣。德機之偵察者。乃聳身立。以手示投降意。狀態甚慘。然其機已倒。落地而火發矣。

二人戰勝後。飛下於法軍之後方。其地有地方軍一隊。伏集於此。各軍官曾目擊兩方交戰之情狀。及得見飛艇下泊。欣感倍至。相率走集。舉槍賀捷。翌日邱尼默先生陞上士。得獎文一道。並賞授軍功佩星。此爲先生之第一次戰功也。先生以書奉其父。有云。『是日兒之神魂。絕無他種感覺。惟自己之所欲知者。便能知之。於願適矣。』書中大抵皆是突兀之短詞。噫。是亦先生之特別文格也。千九百十五年夏。先生曾兩度服勤務。其任務最爲危險。每於派遣辰長官。亦曾下令。聽各人之自願。然亦只見此『小童子』。踴躍而請命。第一次奉派歸。其父問之。曰。吾兒乎。兒欲專心以任此艱險之事務乎。先生對曰。『非也。兒亦不以爲適也。雖然。欲精於其技者。要當有種種之冒險而後可。』

夫邱尼默先生之心理。全在此一語上。觀此則足知其重名譽而尙堅忍。平生志氣。經幾鍛鍊。決欲打破世間之障礙。而超出於人上者也。

第二次之勤務。又較第一次之勤務爲關重。故臨行辰。上官曾諭之曰。『若目的無可達。宜轉柁而歸。慎勿爲敵所傷也。』雖然。先生只奉命出發。兼之狂風繼起。纔五分鐘。上官急以電話停止其行。然先生之機已高出於雲霄上。斯辰只見微微之一黑點而已。

夫此可驚可愕之任務。常人無不望之而膽怯。然彼靈敏剛決之神童。正以此顯也。凌雲霄而直上。曾不見難而止。繼此往來於各敵陣之前。愈戰愈捷。先生曾名其機曰『舍利君』。機板上畫一鶴形。以表號其自己飛艦隊。十二月五日。先生乘此機經過歐士幹(Ourseamps)林分。擊倒德軍之一飛艦。至初八日。先生飛達一千五百西尺之高度。又再擊倒一艦。是則德軍前後三艦。皆落於先生之手矣。

十二月十四日。先生又與德之福綦爾(Fokker)號飛艇交戰。雙方以機關鎗互射。空中混戰。幾瀕於危。千九百十六年二月三日。一日之間。先生以孤軍當德軍之三艇。擊倒者二。其一逃。

一日戰勝歸。飛艇下泊於法軍某砲隊之附近。軍隊見之。羣集歡慶。某指揮官集合兵士於先生之前。繼拔自己之帽章。而贈先生曰。『我可愛之士官。不日得陞爲軍官矣。余請以此帽章贈。祈我士官於陞職辰。必以此章加幅。余感多矣。』語竟。遂下令砲兵放礮。以致賀。千九百十五年十二月二十四日。正先生已達二十一歲之日也。得賞授第五項北斗佩星。繼三月初四日。得權領少尉職。

先生屢經血戰。其勇氣毅力驟增。加之以歷閱而才識日進。自一千九百十五年六月至一千九百十六年八月之終期。先生在空中之戰爭。凡二十一次擊倒敵艇者八艘。自此而後。愈接愈厲。而英雄之氣焰。直有無限之光榮者也。

一千九百十六年五月。邱尼默先生於華頓(Verdun)城服勤務。六月與敵人互戰於松末(Somme)河上。辰亦尙屬「鶴鳥」飛艦隊也。自此改名爲 N.3 艦隊。是年九月大著戰勳之偉績。月之二十二日飛高三千西尺。擊倒敵艇三艘。十一點二十二分鐘擊倒第一艘。二十二分三十秒鐘擊倒第二艘。二十五分鐘第三艘被焚。辰則敵砲集射。一彈掠過先生身邊。艇中之天文機器爲之碎爛。先生傷足。飛艇亦倒而下地矣。

一千九百十六年十二月三十一日。先生得寔授中尉之職。迨至一千九百十七年。服勤務於松末河。與盧連州之各陣線。又著再次之戰績。自正月二十三日至二十六日。於三日內五次戰勝。二月六日與某敵艇戰。而某敵艇則其中配置三坐位及機關槍三架也。然卒之敵艇亦終落於我軍之手。因此戰績。而先生得陞賞大尉職。辰則二月初八日年二十二歲也。

自此先生退憇後軍。以從事發明新機之創造。繼臨前敵。以應春間之攻勢。五月二十五日。又大著前此所未有之戰績。乃一日間而擊倒德軍四艇也。此戰績寔已占得軍事飛行歷史上空前之事業。因此而得賞授第四項北斗佩星。

迨至一千九百十七年八月。而邱尼默大尉之戰狀履歷。統計擊倒德艇者共五十三艇。宣功者二十次。被傷者兩次。然從寔際觀之。則不僅此。蓋敵艇之被戰敗而逃。或失其蹤跡者。當倍於此數也。

大尉對於士卒有特別之威嚴。僅就其一生之戰狀亦足令士卒聞風而服從者也。凡覩先生之容儀無不踴躍欲起。每至大攻擊辰。則先生乘飛艇徐徐向敵前進。爲我軍之先鋒。使步兵接踵而出發也。

雖則先生有無限之剛決忍耐的能力。然體魄薄弱。故每天飛行空中。至七點鐘之久。其體力不足以助心力之進行。先生之親戚曾向貝路哥德少佐爲之請假休養。然貝少佐曰。『余所需於邱大尉者緊矣。余不能以此健將暫離我軍戰地也。』

邱大尉履險如夷。旁觀者皆謂其必無被害之日。至一千九百十七年七月下旬。先生往佛蘭德雷(Flandres)城以助法英軍之攻勢。九月六日擊倒德軍一艇。此卽爲由先生手所戰獲之第五十四艇也。安知此又爲先生之最後戰績耶。九月十一日拂曉。先生乘機出發。據與先生同行之某中尉敘述。則於九點三十五分鐘之辰。先生乘艇發見敵人之一艇。奮勇追擊。忽於濃霧中見敵軍之各艇飛出。合力以援救其被攻者。某中尉貝容威都勒(Bozon Verduraz)氏知先生瀕於危險。前往爲援。及敵艇散後。返覓先生。則已邈如黃鶴。不復見矣。先生之戰友雷怒(Renaud de la Frégeolière)氏曾寫先生離奇之戰死有句云。『平生立得光榮業。完刦玄微不可量。悠悠兮彼蒼。何不以我公還。』

## 會黨之解釋

〔阮伯卓〕

人類之生於天地間者。飛不如禽。走不如獸。而其所得之資格。則憑天賦之心思力量。役使百物。以爲人用。從古以來。能粧嚴世界。而發現各種形形色色者。人類之能力也。然個人之心思力量有限。

使不相聯絡。不相結合。僅成一盤散沙之人類世界。則無論公益事業。既不能齊手足。合心志。以創立。而卽其以有限之心思力量。欲戰勝猛禽惡獸。以謀生活。存在於世界上。想亦難之難矣。是以古今來東西各國人物。無不以羣義爲重。蓋羣義立。而人類方有聯合之結果也。吾儕試拭目以觀。斯世大而環球各國。則有國際上之團體。小而一國。則有國家之團體。政黨之團體。以至商也有會。工也有黨。學也有派。農也有團。無往而非羣義昌明之辰代矣。羣云也者。結成會黨本一目的。以進行之謂也。雖人民依託於國家之宇下。則國家者。人民所結之團體也。然國家團體已超然成統馭之形式。其自相聯絡結合。以助國家團體之進步者。則在乎人民而已。國家亦準人民得昭從法律。以立會結社。而保護之。况一國之內。其人民既能團結。以立於政府之階下。則政府撫此有羣之人民。豈不指揮容易哉。我國之羣學。晦而不宣者。亦已久矣。前此儒學辰代。雖胚胎於社會者。有斯文會。及同州京宦會。等種名詞。察之。則斯文會者。特不過尊教上之主義。萃一省或一縣一社之儒學派。以奉孔夫子之祭祀。或合一塾之學徒。以供給其受業師而已。至於京宦會。則不過同州之官吏。相集合。以辦慶吊之儀。已耳。對於社會上利益。亦無何等興味。然自國家多故之日。而會之一字。已爲人人所諱道。如斯文會。則改之爲斯文譜。京宦會。則改之爲京宦譜云者。推原其故。無乃因法越交通之初期。民間有種種之秘密會黨。故以此併各會黨。而概指之。遂成會之一字。爲我南萬難出現之禁物。噫。此誠人民之誤解矣。夫會黨固有害於政府。亦有利於政府。其種類不同。不可概而罪之也。超越於法律外。秘密結黨。以行叛逆者。害政府之會黨也。根據於法律上。明白結黨。以謀利益者。利政府之會黨也。今不推究其會之性質。因其有害者。而并其有利者。亦一概斥絕之。是何異揚獲

罪人執金鐵器以殺人。而曰天地間之金鐵器。盡皆殺人傷人之具者哉。夫會之爲物。亦猶之乎金鐵器也。金鐵器有用爲槍劍。亦有用爲犁耬者。不以其槍劍之害人。而并犁耬之治田。亦委而棄之也。欲人民立會結社之不至爲國內治安之妨礙。則政府有劃明限制之法。其法惟何。凡立會者。當呈於政府。得政府之允許。方可成立。若自由立會。則禁止之。若然。則人民得以合法之行爲。而求其團體力之固結矣。即如北圻現方施行之刑律第十五章違法集會之各條。蓋專在禁止人民之自由集會也。如第一百一、一百二、一百三、一百四、一百五等條云者。夫自由立會。固爲法律上所禁。此非特我國。大法國亦在此例也。吾儕試徵大法刑律上左列各條以證之。

### ◎ 第七款 於法律禁止之集會

第二百九十一條。二十人以上。以教道、文學、政事上之事。及其他之事爲目的。而每日集會。或定期集會。而非豫受政府之允許。並遵守官署所命之規則。則禁止之。

但集會家屋內之居住人員。不得加算於此條所記之集會人員。

第二百九十二條。不得政府之允許。而爲前條所敍之集會。或雖得其允許。後而集會辰不遵守官署所命之規則。則此等集會。應被解散。其集會之長。或指揮者。支配人。應被罰金自十六西貫以上。二百西貫以下。

第二百九十三條。不問用何國語。而爲會話。勸諭禱神拜神等種。或用何手段。而刊行分發書類。有挑唆輕重之罪犯者。則其集會之長。或指揮者。支配人。應被罰金一百西貫以上。三百西貫以下。並被罰監三月以上。二年以下……

會黨之解釋

二百九十二

第二百九十四條 無邑廳之允許。而因以家屋或房室之全部。或一部。爲前條所叙之集會。則雖這會。曾得政府之允許。而屋主亦應被罰金十六西貫以上。二百西貫以下。舊律觀之。我國舊律。未嘗有規定屬於會黨之事。惟皇越律例第十二卷第二百二十四條謀叛律。有左列條例云。

第二段。一凡異姓人。但有插血訂盟。焚表結拜弟兄者。炤謀叛未行律。爲首者擬絞監候。爲從減一等。若聚衆至二十人以上。爲首者擬絞立決。爲從者發遠邊。

其無插血盟誓。焚表事情。止序齒結拜弟兄。聚衆至四十人以上。爲首者擬絞監候。爲從者減一等。若年少居首。並非依齒序列。卽屬匪黨渠魁。犯擬絞立決。爲從發遠邊。如序齒結拜。數在四十人以下。二十人以上。爲首者杖一百。流三千里。不及二十人者。杖一百。枷號兩個月。爲從各減一等。

第三段。一凡不逞之徒。插血訂盟。轉相結連。土豪市棍衙役兵丁。彼唱此應。爲害良民。據鄰佑鄉保首告。地方官如不凖理。又不緝拏。惟圖掩飾。或至蠭起爲盜。抄掠橫行。將地方文武各官革職。從重治罪。其平日失察。首告之後。不自隱諱。卽能擒獲。之地方官。免其議處。至鄉保鄰佑。知情不行首告者。亦從重治罪。如旁人確知首告者。該地方官酌量給賞。借端妄告者。仍炤誣告律治罪。推這條例之律意。則正爲限制人民。不得結秘密會。以謀叛者也。條在謀叛目之下。則解律者須憑律目。譬如讀大法刑律第八十九條第三段云。以二人以上商議行爲。且決定辰爲有陰謀之罪。而

不究此條乃屬於害國之內部安寧之罪。又關於傾覆政府之暴行。只斷章取義。而謂凡法人二人以上之商議者。可概謂之陰謀乎。吾國前此立律之本意。在懲治叛逆。禁戢暴徒。而我國之暴徒盜匪。向來曾有插血訂盟之行動。故律中方有此規定。非謂舉國之人。凡國民轉相結連者。則政府竟不問其結連之性質。而一概以謀叛論也。可惜者。昔辰人民純樸。生活便利。合羣之義。尙非社會上之必要。故律例之規定者。不必顧慮及人民團體力之當如何發展。以劃明界限。而指示其請求政府允準之必要。故好事之徒。或因之而羅織。村野之民。或因之而畏避。致舉國同胞。甘受沙散瓦解。商也不能合資以共圖。工也不能通力以共作。士也學也不能聚首以講明學術。交換意見。策勵思想。雖同處於國中。而勢不得不秦越視之。門戶限之。無怪乎公益事業之不能發展。而國民之財力。終見其貧且弱也。國民之智識。終見其愚且陋也。嗟乎。此非吾儕解釋會黨之義之差誤。而成此不良之結果者哉。嗣有大法保護我民以來。漸為我民提倡合羣之主義。如北圻諮詢會議會之設立。使數百國民團聚以備政府之採訪。此屬於政治機關上。固有然矣。其他如南圻之唱立農業相濟會。勸學會。北圻之致知會。法學保助會。及其他各營業會社。皆得政府之護持。觀此則立會結社之途。政府亦已允許我民結成幼穉之形式矣。夫大法國者。以羣義而強盛之國也。大法之國民。最有團體力之國民者也。吾儕試觀之。今次戰爭之局。大法國內何者爲政治黨。何者爲資本團。何者爲商船會。皆能爲國家担一分任務。大法人之羣力如此。豈非吾人之明鏡。良鑑哉。乃吾人受庇廕於大法之宇下。而尙拘泥前此之誤點。而不思聯合南北。結成團體。以謀社會上進步之途。此非特吾人不能自造其國。而吾人且又不能善法於我之向導師也。今次戰功告

會黨之解釋

二百九四

成大法國之聲名榮譽。已炤耀於大地上。凡後進之國民。無不歆慕大法之學術之文化。而則倣之。卽如中國近日北京亦設立中法協進會。由中法兩國人籌備進行事宜。以求中國教育與寔業能與法國之教育與寔業相接近。以上於進步之途。夫中國者獨立之國家也。中國人民舊文明之人也。而至茲見大法成功。亦猶欲團結聯絡。以步驟乎其後。何況我南乃法國之一保護國。我民乃法國之保護民者乎。吾儕生於其辰。適當法國國運重亨之日。吾儕幸得庇身於此人道公理之三色旗下。而絕無一聯合之團體。以公羣之資格領受大法之恩惠。吾儕自問亦誠無狀。而豈非得罪於大法者哉。我沙露全權大人近年唱成東洋統一主義。統一者何。聯絡大團體之謂也。夫大人欲聯絡國家之大團體。則我國民亦當以同一目的。而聯絡國民之小團體者也。夫以邪妄之目的。而秘密立會者。誠有罪於國家。當得法律之懲罰。若夫以利益之目的。而明白立會者。原不違乎法律。當得國家之保護。吾儕解釋會黨之義。當作如是觀。

### 美總統出席國會之參戰報告

二日。華盛頓電。威爾遜總統。今日在兩院聯合會演說。其言曰。國會諸君。余前次蒞貴會。今已一年矣。除盡憲法之職務。以國家消息通告貴會外。余於此一年中所經之事。既多且大。所費之手續與所得之結果。其範圍之廣大。變化之深遠。均非筆墨所能形容。此皆吾國與全世界所經過者也。余知諸君均已親睹如許事故。吾人躬與其盛。虛身其中。一時僅不能預測其所以然。或其已然。不獨吾輩無此資格。下一斷語。卽更一新世紀之人。恐亦不能爲也。雖然。其中有萬不能錯認之事實。顯

而易見者。吾人責司所在不得不處置之所謂事寔者。可先立法與行政之施行。曾此需待吾人爲之規畫與決斷。

一年以前。吾人已派出兵士十四萬九千九百十八人。繼又陸續派出一百九十九萬〇九百十三人。按月計算。約十六萬三千九百四十二人。自本年五月起。爲二十四萬九百九十七人。六月增至二十七萬八千七百六十人。七月又增至三十萬七千一百八十二人。八月二十八萬九千九百七十人。九月二十九萬七千四百三十八人。

派出之兵。須渡越三千里之海洋。其適當之裝備與供給品。得安然經過非常之危險與攻擊。此則亘古未有之事也。且所經之危險極奇特。防之甚難。而於運兵之終始。竟失去七百六十八人。爲敵所攻者。其中六百三十人。係乘英國運艦沈於瓦克尼島附近。

所以發生此大舉動者。(即指運兵)余亦不必細論。第一原因。係全國工業有團結之供給能力。且其出產手續之完備與精神。均駕乎各交戰國之上。故有今日之結果。抑有進者。前三年之戰事。各國所行所爲之榜樣與經驗。吾人一一學得之。深識之。然復不惜以全副利源。全副寔力。與全副精神。如此近切而不可輕忽之大事業。吾人祇可謂之學徒。惟吾人能速學之。速行之。又能同心協力。以不可超勝之能力。爲世界盡職務。吾人爲之極其迅速且深合吾人之高尚心。

余今不獨稱物質一方面之供給。與準備及輸運之盡善盡美。余更當述派出運送兵士勇敢之氣。海軍保海之勞。與夫全國人民爲後盾之精神。世界之海陸兵士。未有如吾美兵士之能趕速作戰。受此大試驗。卽不稍怯。且能出諸大勇。奏效亦大。吾人聞兵士之所爲。中心固快樂矣。卽指揮此次

大戰直至最後之戰勝者。當能永久記憶之也。譬如軍官。其盡職務也。出諸勇決與威嚴。事事著寔成績。爛然上自潘興與西門司二大將。下至最年幼之中少佐官長。如此其部下之士卒。亦皆人人自好。不必加以管束。自願冒大危險。且可盡迅速與聰明之能事。蓋人人自知其力量之所能爲而爲之也。

余得有如此勇敢高尚人民之同胞。何樂如之。吾人之在國中者。則各盡其職。然苟能偕勇敢之士同往作戰。豈不更爲榮耀。吾人獨惜失此一大機會。

吾人當深謝上帝者。以吾美軍隊出發從戰之時。正值全世界命運危急之秋。得用其新能力加入爲自由而戰之隊伍。中挽此狂瀾於既倒。從此敵軍只見日退。永無前進之時。如是者四閱月。德奧統兵各將。始悟已敗。故今日德奧國已在結算之時。吾人當知全國精神爲何如。一致之宗旨之高度之熱心。於施行其能力時。始終出諸高尚之念。故其成效亦大可觀也。國中之人。從事組織與供給之生活者。莫不願與吾兵士摩肩作戰。然吾人却不能以此爲恥。蓋吾國中優秀分子。均願放棄個人利益。而盡心盡力爲此大事業。吾人得與此輩同事。何樂如之。此輩日復一日。月復一月。勞心勞力始能造就。成爲全才。可與戰壕中兵士及海上之水兵同戰。於此足見其愛國。其大公無私。其專心一致。與其特殊之才能。所謂共同成就此大事業者。不獨華盛頓城中之辦事人員。蓋此間僅盡指示操縱之能事。若夫無數之工廠中。以及工業製造之地。又船廠鐵路碼頭。海洋各方面所需。人工無處不竭。力相競。各盡其能。以供給戰場之需要。此輩雖非出外作戰。但於國中。都已盡力。故於武裝之兵士。可以不愧。緣此輩於戰勝之大功。亦佔一部分。亦均以所有所能。供給海陸軍而獲

全勝。且不獨吾男子然也。雖吾女子亦各用其聰明與敏捷於任何工作。女子亦能聯合一心共謀其成。且其工作雖爲前此所未曾從事。而能坦然爲之無難色。更不惜犧牲一切。故女子方面所盡力者。不謂不鉅。結果亦偉大可觀。足爲美國之婦女史上增光不淺矣。吾人今日欲報答此大勞。惟有使女子於政治權利得與男子平等之一法。以女子既能於各項實驗場中處之可與男子相比。「固不問其爲國家抑爲個人。」則於政治場中亦必相同。吾人此舉實爲顧全公平之道。當今大功告成之日。萬不能少者也。且女子不獨於實事上盡力。而於全國節省之計畫上亦大盡協助之力。女子爲吾人提倡如何。節省食物與他要品。以之供給戰地兵士。總之此一篇大事故。決非筆墨所能寫盡。吾人惟有永記於心。而感上帝於無窮也。

吾人既爲幾大之犧牲。今日之大勝。定可操左券。且爲完全之勝。吾人心中快樂之感念。一如前次勤勞之時。今戰爭告終。仍當歸諸和平之事業。吾人得此和平後。其不負責仁之帝皇與夫野心自逞之武人。永久不得再以橫暴加諸吾人之身。從今以後。吾人當改絃更張。共由大公無私之途以進。今此和局。不日將經一番整理。納諸軌物之中。然不獨爲吾人本身設想。且將爲全世界計及。總之吾人所期求者。爲萬國之公平。不僅一國之治安而已。吾人之思念。近已遍及歐洲亞洲與遠東。近東總期造成之和平與安樂。不限乎吾人自己門內也。

吾人既整理吾人與其餘世界間之關係。然則吾人亦應設法掃除吾人與接近鄰邦間之誤會諸點。而表示真正友誼之證。此豈非一異常重要之事乎。余望參議院議員諸君。許余將吾國與科峯比亞共和國(南美)已訂而未批准之友誼及調和條約重述一過。余極望議員諸君。對於此重大

事件。早日爲助贊之行動。余信彼等皆與余同一感覺。若目下事情所到之地步。俾可作此項行動者。不僅公正而已。並且寬大。且與吾人甫經欣然跨入之新時代之精神相符也。

至就吾國之內務而論。吾國恢復和平之問題。即爲經濟及工業上之整理問題。此問題在我國較爲輕鬆。其他作戰國之作戰時期較久。損失較多者。則較爲嚴重。且吾國人民無需待人之誘導。彼等能自治其事。對於一切整理事情。才具敏捷智慮。豈富且有一定之目的。自賴之信心。苟有人欲爲之指揮。不久必將失望。蓋人民對此指揮。將漠視不顧。而仍自行其道也。故吾等爲司法及行政界之公僕者。祇須將各方面改革之程序。加之整理疏通。即爲盡職。余嘗經人屢次勸告。應如何定計畫策。並當親身從事。以期成功。然吾迄未見有關於重行建築之大計劃。出諸任何方面。可使吾國有精神之商人及能自助之工人。心悅誠服者。此殊令余失望者也。當戰事進行之際。吾人曾說置許多機關。藉以指導全國之工業。盡其效用。務使此等工業能供給充分之需要品。並阻止不正當之暗昧交易。鼓勵關於戰事最有効用之人。使吾政府之購買部。對於必要物品之價值。得有某種之控制。限制與敵人之貿易。使可用之船舶。盡其效益。使公私兩方之經濟事務。得循系統而行動。以免有無謂之擾亂。總之藉此等機關。使全國之物力。皆在準備負擔之中。使全國之人力。結合一致。以期完成一大事業也。但吾人既知休戰條約已簽字。即將此項負擔之準備卸去。以前政府曾保存幾多之原料。以備供給軍隊之工業之缺乏。今已將此等原料。重置於普通之市場矣。以前政府曾接收大工廠之全部機器及出品。以供政府之用。今此等物品。均已解放。俾重復其戰前之用途矣。至政府對於食物及軍務之控制。尙不能迅速解除。則因世界今仍仰給於吾國之倉廩。而

船舶則仍須運送物品於我海外之軍隊。且俟歐洲之亂狀一止，即須載彼等歸國故也。但此等限制今亦就時勢之所許逐漸解放。隨時日而俱增。

吾美向來所有之機關能深悉勞動供給及工業界之情形者，從未有如今之戰事。工業部、商業部、勞動部、食物部及燃料部之甚。蓋此諸部均會完全組織，且非各獨立不相統屬。其綜攬指揮之人，皆為美政府永久照在諸部之人員。故彼此之行動皆統一而互相協助。溯自休戰確定以後，我行政部之政策，決將此等機關所知之事情供全國寔業界人之用。並以此等機關中人對於各方面一切事情之智慧思慮，供寔業界人之借鏡。戰事停止以後，三星期以來，關於回復和平基礎之程序，進行非常之速，殊為可驚。大約政府之查考與贊助，均在後時和平基礎之成就。若自有指揮之者，初無需乎政府之指揮也。美國之寔業界人，固智慮敏捷，善能自動。但歸國之軍士，若用私人自動之平常方法，恐不克立時覓得職業。凡資格老練之人，凡技術精熟之工人，凡熟悉商業情形者，凡準備從事田園生活者，以及素有名望，將為人所聘請者，自皆不難覓取位置。然有其他之人，不自知如何覓糊口之方者，苟非設法加以引導，則將有失業之歎。恐此後將有大羣之勞動者，流轉於社會，故余以為各種公共事業，均須迅速恢復其以前之發展情形。庶幾不老練之工人，皆可有謀生之道。吾人在上之提倡，則當注重開發未闢之利源，及未經耕植之土地也。

余特欲諸君注意，內務總長常年報告書中所記之切寔計畫，已交貴委員會審查。內務部之計畫，需得各省之協助，可以開墾已乾之沼澤及森林伐盡之地，約三十億哀格。「一哀格合中國六畝」，據云吾國西部乾燥之地，約有一千五百萬至二千萬哀格。開墾之法，祇須蓄水隨時灌溉。此外又

美總統出席國會之參戰報告

三百

有森林伐盡之地二三千萬英畝。惟迄未經糞滌。遂荒棄焉。如此之地。國中無處不見。更有爲水所淹沒之地。如沼澤等。約八千萬英畝。此等地亦有於一定時期中。爲水所淹沒者。含水太多。不宜耕種。祇供牧畜之用。然何嘗不能抽吸蓄水。保衛之整理之。使成良田。國會正可立時遣派自戰地回來之兵士數千人。從事開墾乾地。雖此舉業已開始。但需增加經費。交內務部切寔擴充之。庶幾未經耕種之地。變爲大好田場。農業從此大興。人力不致荒閑。內務部已籌畫周詳。條理清楚。惟望諸君之並察焉。

至於船隻之當受國家節制一層。余已言及。恐不僅暫時。或爲長久之期亦未可知。一則政府必需船隻輸運食物要品。供給遠征之國軍。二則甫經自由恢復之人民。皆在飢餓中。兵燹滿地。吾人不得不用船隻。運物救濟。若輩於垂亡。

諸君其許余特發一言。以及比利時與法國北部之需要乎。法比收拾瘡痍。不知須經幾何歲月。雖有貼款。庸足補其茫茫無望之損傷。是不可不於籌款而外。別謀他法以補救之也。縱令法比明日即得大宗金錢。大批原料。然不能於明日恢復其世界實業界中之地位。蓋其於戰火發作以前。所占之重要地位。已被掃蕩一空矣。工廠多成瓦礫。機械多被毀奪。居民星散。良工喪亡。苟不得特殊之輔助。以重建其工廠。恢復其實業所需之機械。則其市場將爲他人所占有矣。今劇烈競爭以求原料與工業便利者。已激發生。吾人安可坐視。比法競爭之盪決而不援手。故余望國會當無不願於必要時。准吾國機關。如戰時商業部者。有權儘先輸出接濟品。以惠吾人所踴躍贊助。俾脫離德某武暴之人民。而此人民乃吾人決不忍聽其自尋生活於此絕無情義之競爭場者也。

吾人整理其商務。欲求奠定與便利。則其最要之道。無過於立卽決定。自一九一八年至一九二〇年應征之稅率。商界擔負必須減輕之程度。當視籌措政費之穩健方法所可許者爲定。凡辦國家大寔業者。以後數年内。對於政府將有何等之納稅義務。此乃吾人當爲之剴切曉諭者也。業事之恍惚不定處。宜早以辯論會正當之手續決定之。勿使延長一日。致使國家蒙其重大影響。此種不定之點。未經決定之時。而高談商業之建設。則直空言耳。謂令戰事繼續未完。則吾人於明年內。至少必增八千兆美金稅項。今戰事已止。余與財政部總長同意。可將原額減至六千兆。目前不能遽望減少政費。凡購置戰品之定單。固可註銷而清理之。惟清理未可驟行。否則將吸收財政部數月現金以應付之也。

維持海外軍隊。今仍屬必要之舉。在占地時代。一大部分軍隊必須留駐歐洲。其須回國者。將陸續運回。遣散歸里。需款不少。歷時須數月之久。戰債利息。當然照付。應還債務。尙須準備。第此種開支。遠不若戰事繼續所當籌者之多。苟有六千兆洋金。當可爲此屆會計年度中財政週轉之穩固基礎矣。余與財政部長意見相同。主張除法定四千兆元外。方從戰時額外利益收稅二千兆元。但此項餘利稅。宜以一九一八年或一九一九年。因列國合同而得之利益爲限。余望國會採納財政部長之提議。以便今卽規定辦法。今將一九二〇年應繳之稅項。由六千兆元減至四千兆元。若無此切寔規定。則在整理寔業之緊要時代中。將增若干疑擾。夫此時代。乃國家在目前所必須經過者。凡真爲國家必要。商業關係之友者。不能負延長此時代之責任也。恢復經濟。展發寔業。所不可少者。厥爲明白簡單切寔之條例。如吾人今卽起行。掃除一切爭點。則經濟之恢復。與寔業之發展。固可逆覩也。

余知國會定可旋行吾國加入戰局以前所定之海軍程序。海軍總長曾請國會委員會核准海軍程序中所擬於此後三年內造船之計畫。此項計畫係依照國會所定政策而偏成者。並非依據戰時之特別情形。但遵守振興海軍之精密方法耳。余甚願此項政策進行不輟。今若糾正吾人之程序。以應合今尙未定之世界政策。則大爲不智矣。

最使余注意者。乃對於鐵路應採行何種政策之問題。余甚望諸君有以教之。余無成見也。余不知凡有思想。且稍知此問題之複雜者。何以竟有成見。要知此問題必須研究。且須立卽研究。並須以不偏黨之觀念而訊究之。若偏於一方面之解決方法。則不能有所成就也。

美總統言至此。略述政府于戰事情狀下收管私人鐵路之必要。中有一語曰。余行吾人可希望春季到時。戰局當可以條約正式結果之。

美總統演詞最後一段文曰。余願於此時向國會布告。余將在巴黎與聯合國政府各代表相晤之目的。余此行將與各代表討論和約之主要條件。余知此時離國有大不便。但赴歐一行。乃余之最大職務。余爲此念所驅。不得不行。此種情勢想爲諸君所共鑒也。協約國政府已採向一月八日余在國會中所提出之議和基礎。而中歐諸國亦承認之。協約國政府甚願余親自與會解釋其意。說明其用。而余亦不可不發抒意見。庶吾政府大公無私之誠意。欲助成有關各國利益相共之結局者。可以大白於天下。現將討論之和約。與吾人及世界各國人民。皆有非常重要之關係。余知無論何事。未有較此更爲重大者。夫吾海陸軍勇士。所願奮鬥者。厥爲主義。而此主義者。即彼等知爲吾國所抱之主義也。余常欲發揮此主義。彼等聞余之議論。即承認之。視爲彼等自己意思與宗旨。

之寔質。猶協約國政府之承認余言也。凡此主義不容誤解。不許消滅。務必盡力以求其寔現。此爲余對於吾國勇士而負責者。故余今日職務乃在出余全力以寔施彼等殺身流血以求之主義事之重大。殆無有逾此者。余將在歐洲與諸君互通消息。並接洽此間之政事。諸君當可盡知余所行各事也。

法英政府因余之請求。已於兩星期前。絕對撤除檢查電報新聞之辦法。今此間除取締與敵國通商者外。別無何等之檢查。巴黎與國務院間及法國與陸軍部間。常有電信往來。爲保持可用之電線。以免其他用電線者之阻礙起見。余已暫時管轄此兩路海線。以便應用。余此舉係採用極有經驗管理電線人員之建議。余希望其結果必能如余所願而使此後數月內電報新聞得以自由往來。無甚遲滯也。

國會諸君。余在歐洲辦理困難事件。以余全力誠寔解釋吾所愛國家之主義與宗旨時。余可望得諸君之鼓勵與一致贊助之援力乎。余知余所担任之職務重大而困難。余且自覺其責任之匪細。予乃國民之公僕。予辦理此役不能有自己之私意。或個人之作用。余此行將竭余之能以供獻於公共之解決。余今與各聯合團行政領袖會商時。必助成此解決也。尙望諸君爲余後援。匡余不逮。諸君如欲余發表意見。或有所任務。則海電與無線電皆可供余應用。故雖遠隔大洋。而彼此聲息仍通。余一念及予常與諸君接洽關於吾人必須處置之重大內務。當愈覺愉快。予將儘速回國。希望返國時挾佳音以俱歸。而將美國所爭之大主義。已能見諸寔行之完好消息。爲諸君告焉。

三百〇四



# 全權大憲沙露公在柴棍之演說

〔章民〕

西十一月十七日在柴棍開賀捷會。全權大憲沙露公於甘碧些 (Gambetta) 銅像前讀演詞語甚雄壯。聞者感動。敬譯之如左。

按甘碧些公爲法國一大政治家。千八百七十年普法戰役。公曾爲國盡瘁。不幸法國失敗。公力勸國民勿因此少撓。當存臥薪嘗胆之志。必有復仇之一日云。夫公當國步艱難之際。而能乃心祖國。力持天命。以鼓勵國民之進取。心其功可謂不薄矣。公之所期願。今日果償。而公已不及見。九原有知。慨當以慷也。是以沙露公於賀捷日下令於公銅像前開會。親讀此演詞。非徒以表歡樂。侈頌揚。亦將以慰死者之魂魄。而動生人之觀聽也。

今之時何時乎。寶貴哉。莊嚴哉。我法國復仇之時也。今日之日何日乎。萬古存在之日也。我龐碩而強記之民族。四十七年來所翹足而俟之日也。噫我甘碧些。當夫我國權爲強有力者所蹂躪。我國土崩拆斬。然如在衰絰之中。君獨毅然曰。「國仇可指日雪也。」有此萬摠不移之語調。而億兆之呻吟聲。啼哭聲。爲之屏息。君又嘗言。「法國猶病人也。我扶而起之。」我聞此言。殆如見君揚其雄健之臂於空間。而指我以真理之星。尙依然其燦爛也。以此功德。肆今日戰勝。凡我母國之諸兒。相率立於君之銅像前。而歡呼以報君曰。光榮之日至矣。

光榮也。解脫也。無上愉快也。今之日殆兼而有之。吾人含冤茹屈。以度居諸者幾何乎。今賴此最公平之武力裁判。而洒然雪矣。我法國之故疆。固無恙矣。我母所愛之二女。曩爲強暴所污者。今已珠還矣。(指亞盧二州)當此最歡華之一刹那間。彼光明之太陽。炤君之銅顫者。正方炤我百萬之劍光。隨福大將軍以進次於亞撒盧連者也。甘碧

些乎。君生平未嘗失望者。此曷傾耳以聽。聽歡天喜地之聲。喧然起於亞之山與盧之野者乎。曷傾耳以聽。平原之寺觀中有歡喜鐘鏗然響不絕者乎。曷傾耳以聽。兒童高呼聲。婦女嘈雜聲。相率張燈結綵以爲賀者乎。曷傾耳聽乎。曷注目視乎。彼人家門上有久束高閣之國旗者。今翻然飛矣。彼道路之旁有垂白之叟。幾經龍鍾於壓制權下。今復覩太平儀衛。感極而涕矣。我軍隊風馳雨驟而至。戰士袍上斑斑滴血。其光榮有似於以國旗加身上者。彼垂白者見之。無不起愛起敬。而舉其顫手以禮之矣。

甘碧些乎。愛國者乎。君而猶在也。則對於此戰士。其感服爲何如。彼輩敵愾之雄心。誠足以對震飛福許諸人之將略。而無愧。彼輩乃救世之善神。甘犧牲其性命。其幸福於此五年中。爲吾儕贖回今日之自由及名譽。君而尙在也。當有最淋漓雄壯之演詞。代表我母國。以宣於彼戰士前。一爲慰勞之而贊揚之也。

我國在昔當大革命之時期。革命風潮已爲世界各國公法上開一新幕。彼戰士之祖若尊。譬則爲公法之護持者。以公義自由之種子。遍播於各民族之心地中。而雲眉之戰。(法革命軍勝普軍)滑鐵盧之戰。馬凌古之戰。(拿破崙帝之兩大戰勝)拿破崙太陽。(拿破崙本紀。拿帝某役之戰。辰方冬天。雲霧四塞。忽天日閉霽。軍中號曰。拿破崙太陽。)復射其光與熱。以助此種子之萌芽。職是之故。我祖國對於世界文明。有無窮之榮譽。而儼然爲各民族之護法神也。藉彼戰士之祖若尊。而公法之能力足以換改地球之裝面。自時厥後。世界人類各循其天然之態度。拾級以登進步之途。人民愈以自由。民主國愈以成立。然則彼戰士之祖若尊。於十九世紀中。轟烈之事業。輝耀天地。想遙遙來軌。終莫能與之匹也。

全權大憲沙露公在柴棍之演說

三百〇六

孰知時也命也。將界子孫以跨灶之美名而完乃祖乃父未完之功業者也。日者長蛇封豕荐食世界。將率其鐵血之軍隊以踐踏自由之樹。將逞其豺狼之慾心出其野蠻之手段以奴隸生民塗炭天下。將摧倒破壞自由之堂址。以築伯權之基於其上。嗚呼。彼無所忌憚者。蓋奉武力主義以從事者也。甘碧些乎。君曾以天縱之智。引導我國民使之與彼爲敵者。敵此武力也。雖一時失敗。而君之名譽與民國相始終。非如彼惡劣之君主。一旦兵敗身亡。(暗指德皇威廉)而生平炫赫之虛名隨之以去也。君尙記否乎。此武力者。曾乘我創巨痛深之日。悍然侵犯天下之公理。分裂我疆土。使我所受之創口。終弗合。日以潰裂。傳其痛於世界各民族之心房中。使之有與我分痛之觀念。且汲汲然認受責任。以同謀人類幸福之前途。昨者英國首相喬治(George)公。美國總統威爾遜公。各在其國演說。甲也東海之濱。乙也西海之濱。宣布其國人之意見。披露其將士之志願。鄭重言曰。「苟公理而未明也。亞盧二州而未反之法也。英與美終無休兵之期矣。」人有常言。「死者之感情魂。土終弗埋也。」此言而誠然者。君宜聞。兩人之言矣。聞兩人之言者。君之感情魂。其興起爲何如。

嗚呼。藉我一二友邦。戮力同心。以相急難。肆自由死而復活。公理暗而復明。今後和平之基礎。乃益鞏固。昔日我國革命之廣大主義。乃見諸寔行。無論大小各國。東西各民族。皆將解脫其羈軛。護持其獨立民治政體。遍於大地。此基一立。誰敢壞之。嗚呼。自茲以還。世界各政府。各君主國。誠能審向背。定從違。尊重公理。國乃永存。蹈專制之覆轍者。社其屋矣。甘碧些乎。君生平最醉心於民主主義。爲之効死。近者來因河東岸九五之位。相繼傾倒。鏗然者其劍折也。割然者其冕裂也。君聞之。其亦平會。所以保持人類之自由者。不日亦將成立矣。

自由乎。民治政體乎。此絕大之夢想。今將見諸寔行。其可賀爲何如矣。彼其出英雄之氣之志以佐此絕大夢想。見諸寔行之人。其可敬又何如矣。吾其以我無限之感佩心。獻於彼戰勝之士乎。獻於我聯合各國乎。獻於一切政治家軍事家。凡爲我聯合軍籌畫以達到勝利之目的者乎。甘碧些乎。吾其以我無限之感佩心并獻之君矣。君曾於祖國顛危之際。而以不忘國仇詔我矣。吾又當以我無限之感佩心。越重洋以獻我意中之一人。彼其目擊祖國當年之失敗。猶之乎君也。數十年來。悉以其精力。其心志。全注於復仇之一舉。而今其志始遂願始償矣。噫何人歟。內閣總理格萊曼梭公。其人也。

吾又當以我之感佩心。與夫無限之憐憫心。而獻諸死士之靈。嗚呼諸君。捐身沙場。以報祖國。英雄已死。凱歌爰奏。今日之賀捷會。匪特生者之幸。抑亦死者之榮乎。溯自開戰以來。身爲國殤者。何可勝計。或在馬尼河畔。或在伏什 (Vosges) 山頭。或埋靈於華頓 (Verdun) 之城。或流血於亞爾梭 (Ardois) 之野。陳尸戰壕之下。馬革誰裏。隕身大海之中。魚腹是葬。或其勳績已紀於旂常。或其姓名尚沈於荒莽。每一念及。感慨係之。余惟爲諸君祈禱耳。嗟呼。此榮光之日。而諸君不在。吾身受之。吾心中猶覺抱歉者。誠以諸君之故。况以諸君室家仳離之嘆。衰絰之哀。余聞之。尙何以爲情。吾乃爲之統計法。越兩國人之戰死者。每披金籍 (Livre D'or)。(記從征之戰死者)如見死者之形影彷彿於余前。於是回憶曩時在戰壕中之名語。欲三復之。以起君等於九原之下。其語曰。「死者其起立。」以覩戰勝之光榮乎。(今次之戰一役。法軍死傷者衆。一士官見積屍橫陳。麾軍前進曰。死者其起立。軍士聞之。勇氣百倍。語本此。)

噫我之諸兒。(全權大憲對各學堂學生預會者而言)其叩頭以謝彼生者及死者。其沒齒不忘彼之勳績。爾曹之恩人者誰乎。彼也。彼之所以冒矢石。臨鋒鏑。惟爾曹之故。爾曹將來之怖苦。彼既以身受之。爾曹他日享自由

全權大憲沙露公在柴棍之演說

三百〇八

之幸福。皆彼之賜也。公法也。公義也。爲彼死者贈遺爾曹之一大學課。其研究之。其毋忘我祖國以高尚之理想而戰勝強敵。高尚理想者何。同心而已矣。須知戰壕中之血。乃我法人所以表同心之誼也。凡國中黨派之異。階級之異。種族之異。貧富之異。尊教之異。皆賴此血以調和之。使各泯其私意見。相與戮力同赴公憤。再造榮耀光輝之祖國。以授爾曹。爾曹其牢記之。當爾曹在此銅像之下。舉其右手以禮。昔日爲我國續命之一人。宜以此手宣誓於衆。今後我同胞宜守同心之訓。以共保戰勝者於最後戰爭所遺我之丕基也。

## ● 賀戰勝

巡撫陳文統

敬祝

大法國萬歲

西本月十二日得報德賊已記停戰紙受降我大法與同盟軍戰功已

近告成矣。一聞之下欣喜無涯快樂無涯。以彼德賊之野蠻狂態。其所爲皆殘暴之事。不揆天理。不審人情。當其移戰書之始。施施然以爲將設。一最劇狹之籠絡。以入我大法於其中。而我大法與同盟列彊已有精心妙畫。以陰沮彼之謀識者。皆知其有今日之上勢。而彼懵懵然不之知也。自辰厥後歷四年餘。雖其間不無俄國之偶遭內變。不能卒其所圖。而英國之專心叶力。始終一致。日本國意。國美國各將義念就與叶同。甚至布加利國亦捨彼而之我同盟。則人心之效順爲何如耶。况有福煦大將冠古英雄。久總兵柄。指麾同盟諸軍。號令嚴明。籌策精密。爲用兵第一名家。不寧惟是。安南受恩小國。遠在東洋。聞風亦皆效報上而民莫不出其謀畫之所補。財力之所以供。赴而忘其爲泰山之寸壤。滄海之一滴。卽如廣治一小省。而節番募兵。國債爭先。樂應皆出以熱誠。而無所縮怯。靳惜人事。如此天意可知。是以土奧先。潰德亦隨之。其國君棄位而別逃。其國人倒戈而內亂。政府軍輶均向我大法俯首乞降。原占奪之

比國與所掠取諸大城一皆交還砲船電車飛艇魚雷一皆投納凡前日彼所潛蓄虎視之欲將以施於我大法者今皆入甕自受我大法得以伸公理雪舊恥義聲鼓響於全球爲古今來獨一無二之戰功蹕甚快甚因知我大法從此翻翻日上之力界之利權善終保成之基礎長治久安之局面衍玻瓈城億萬年和平之休而東洋漸被恩化亦日臻於全盛之域同于無既此其進境當未可量今日公行慶賀大禮寔出於同人欣喜歡樂之心想其敬愛崇重 大法國朝廷與保護東洋列大憲者東海南海人所盡同而非獨添一人之私也惟區區栢悅之忱不能默然無言敬代面廣治全省官吏士民掇數辭以稱賀敬祝

大法國萬歲

保護東洋萬歲

■文苑女界詩

▲玉英詩草

黃昏

黃昏最是無聊賴人自傷心日自斜樓上一螢隨月度簾前數鳥和風歌煙花回首都塵夢富貴閒拋看落花盡日關門緣底事愁辰厭見俗人多

讀亡夫詩草

幽鬱秋心苦不眠焚香五夜讀遺編詩詞無限風雲思筆彩猶留翰墨緣月冷竹樓空寂寞燈

垂蠟淚共流連遊魂何處如相識應補花詩別恨篇

秋夜書懷寄諸弟

秋夜天光靜山河萬里通小園花冷落平野水濛瀧獨坐聽啼鳥酸吟托遠風今宵愁悵望兩地月明中

淒瑟西風日影斜空房獨倚聽隣歌驚心風雨三秋夢拭目關山萬里賒紅電亂排知讓地白雲深處是吾家癡心願借瑤臺鏡照向雲鄉奈若何

(小說) 夢中夢

三百〇十

◎ 社會小說 夢中夢

章民著

團團然四圍竹陰。一輪明月。月光之下。竹陰之間。現出一座堂宇。規模甚壯。一望而知其爲新營之瓦屋者。某富翁之居也。堂之中間置案。一案上洋燈。不甚光潔。又有木格唾壺。火爐數事。雜陳其上。一童子年可十四五歲。伏案而讀書。堂之西偏。有一房。房中燈火微明。不聞人聲。但聞算珠格格不絕。繼有聲鏗然。如洛鐘之響。頃焉聲息燈滅。一人自房中出。直趨童子讀書處。而坐其旁。其人額紅唇黑。笑不見齒。面皮微皺。而鬚髮殊未斑白。時露其十指於燈光下。殆如槁然。一望而知其爲暴富之田舍翁者。某富翁也。翁坐待童子讀竟。問曰。此何書也。曰易經。曰試誦之。童子危坐合眼而誦曰。乾元亨利貞辭未畢。翁急止之曰。爾給我此卜書耳。童子曰。此師所教。翁不信。當問之師。胡云給也。翁曰。讀此經亦可以作文應試乎。童子曰。然。翁又問曰。爾茲期作文何如。童子曰。列平項且以文卷示翁。翁觀畢。問曰。圈與點何異。曰。凡文佳處點之。最佳處圈之。翁又翻卷面問曰。此爲「平」字乎。童子曰。此真乃「平」字也。翁大悅。

翁乃於木格中取芙蓉。且囁且謂童子曰。吾兒勉之。吾家自來居此鄉。至余三世。含辛茹苦。已非一日。爾後生小子。有所不知。初吾祖流寓時。吾父尙少。以貧故。傭工於鄉中之豪者。日之所得。僅足自給。而爲人臣僕。屈辱萬狀。鄉人待僑民極薄。鄉中故事。届春秋祭享。刀俎薪水之役。悉僑民當之。吾生不逮事吾祖。曾見吾父當此役者數矣。不寧惟是。凡鄉中一切供斂。僑民視籍民重數倍。鄉豪如某某者。見吾父椎魯。則又遇事恫嚇。從而侵漁之。以故吾父在時。家計已稍裕于前。然終亦不能大振。至吾之身。雖漸脫此厄。然吾入籍時。有所謂告前賢禮者。猪一頭。芙蓉酒一盤。錢一百貫。其他鄉

紳某銀十元。某二十元。鄉豪某粟幾十「央」。某錢幾十貫。彼輩恣其狼吞。傾吾產之半。而後吾名乃能隸丁籍中。至若拜跪之煩。叫乞之苦。皆吾以身當之。尙未計及吾兒乎。我雖不識一字。然凡此枉屈不平之事。吾皆牢記之。吾心中若有一卷書。然每披讀一頁。輒淚數行。下區區之恨。何辰可雪。幸天相。吾家乃篤生爾爾。若能讀書能登科。能高視闊步。能奔逸絕塵。使若輩瞠乎其後。於吾心寧。不有大快。歟。翁既以此詔其子。且抱之於懷。以吻親其頸。而告之曰。吾兒乎。吾誠不憚勞。不計費。爾之所欲。吾能悉致之。但願爾他日置身青雲。爲乃翁吐氣。雖奉吾產以從汝。吾所不辭。且爾年紀尙少。婚姻之事不必及今。提議惟吾雅不欲與此鄉人通婚。行當爲爾別求良配。吾已預訪旁鄉高門閨秀。與爾齒相若者。不乏其人。三五年後。正爲彼等出閣之期。此辰。吾兒若得其一。亦足自壯。語至此。翁不覺胡盧大笑。童子猛從翁懷中突開而出。雖無言意。甚得也。

吾文中所稱某富翁者。究爲何人。述之者勿詳。但以其曾雄於貴故。號之曰某富翁。吾亦從而某富翁之耳。翁之家世。旣略如翁所自述。翁之苦心。及其所大欲。皆可於翁之勸子語中得之。吾今所當補叙者。翁有三男。其所與諄諄告語。以亢宗相期望者。乃其季也。而翁之所以傾心注目於此兒者。則又有故。

〔未完〕

## ◎ 辰談

### ▲ 世界大事記

● 十二月一日巴黎電。  
英皇於十一月二十九日在巴黎市政廳茶會演說。表示其此次重遊巴黎之快樂。並稱讚巴黎人士。於危迫時際。莫可撼動之信任心。謂法國內有堅忍不撓之人心。外有發揚蹈厲之士氣。遂促成協約國

(辰談) 世界大事記

三百十二

之勝利。誠可忻慰。今次來游荷巴黎人士。誠摯歡迎。更可見法國人民。昌盛幸福。願與訂交。稱之爲友云云。法總統答英皇之演詞。先迴述英法兩國。事追敘既畢。乃曰。英國卽在此時。不獨以其海陸軍光榮之事績。且以其道德堅定。仁心偉大之事績。加諸其篇幅富麗之歷史。英國早知戰局持久。不可不編練大軍。增多軍械。但絕不爲此重大之責任所惱。傳命各領土與各殖民地。共努力於戰爭事業。一呼百應。忠於祖國之回聲。遍於世界。此種人民散處於地球各處者。於同一之時日。抱同一之精神。奮然而起。爲祖國効力。此誠前所未覩之奇觀也。今次左右英國政治之自由精神。於全球服役之中。果得何種高尙報酬乎。海外急難之軍。源源而至。英國大軍乃得於戰局中。獲取經驗。改良戰術。逐漸獲利。終奏大功。而使敵軍受迫乞和矣。云云。

里昂電。英王佐治五世。將大勳章授與福煦上將。時致詞曰。上將乎。朕深幸乘此時機。得由朕親手將英國最高級之勳章。授諸上將。此項勳章。所以表示朕之景仰。及朕之國民之尊敬。大軍人。蓋此大軍人。乃導引英軍入於勝利云云。

華盛頓電。星期二下午。威爾遜將在國會演說。以其爲本年最後一次之召集。白宮昨夜發出通告。謂美國參與歐洲和平會議之代表團。係以威爾遜總統。國務卿藍辛。前駐法與意公使亨利惠脫氏。大佐哈何司。與將軍白利斯五人。組成。又解明所以起初不發表各員名姓者。以各交戰國之代表。僅於一二日前始行提議也。

巴黎電。是日福煦上將及首相格雷曼梭公往倫敦。參預協約國國際大會。

●二日紐約電。今日美國勞動與共和二黨。開聯合會。由工黨首領工伯主席。共決反對波希維式之社會主義。並解決他種議案。其中有取消混合之美國主主義案。(譬如德人入美籍不得謂之美籍德人。必謂完全之美人。或完全之德人。)

華盛頓省塔可馬城電。一曰日新聞評論俄國過激派政府曰。李甯與股拉司基二氏執政時。專事殺戮與焚掠。今已至其末運矣。此輩恐怖人物所以握大權者。乃由城中游民擁戴而致。過激派之主張及許與公眾之事。皆甜如蜜。聞之洗耳。而其結果。則爲飢餓與專暴。人受其欺。今漸醒悟。該黨之德國同黨。今皆逃去俄境。李甯如失左右手。今惟有自上斷頭台。決無人爲之出力求免也。茲者俄國之臨時政府。已由凡老谷特司基氏。首倡組織。以抗彼黨之暴虐。俄國各守舊憲法政府。急進社會黨。哥薩克兵。武人與舊官僚。莫不痛恨彼黨。經此團結。一共和之新俄國。可以產出。從此全地和平。成爲一文明之邦云云。

德國聯邦瓦登堡國王以自己名義遜位。——柏林消息。德國潛艇已交出。協商國共得一百二十二艘。

里昂電。亞撤盧連國民議會致電法總統。說明此二州人民歡迎法總統來遊之熱忱云。

倫敦電。今晨十一點在英國唐林街。開國際協約大會。辰白堂之中有異常歡奮之景狀。福煦上將之汽車。四周集有多人。皆向福煦上將及喬治君（英首相）歡呼。並唱法國歌（馬賽歌）。這大會豫行討論媾和大會。召集之期。與應取之手續。並關於履行休戰條約之各問題。且涉及德前皇之地位。

北京電。今日下午四時。日英美法意五國公使晉謁徐總統遞如左之說帖。聞對於廣東軍政府亦將呈遞同樣之說帖。兩年以來。中國南北乖離之內訌。寔爲日法英意美各國政府所不勝憂慮者也。此種不祥之紛爭。不獨破壞中國本國之安寧。損害諸外國之利益。且因一般人心動搖之結果。使敵國方面得有可乘之機。遂至在此次戰爭當最大難局之際。使中國與聯合國方面之協力動作。頓遭阻害。今者危機業已漸去。列國及各國國民。正企圖以寔現平和及正義爲目的之全世界之大組織。得以早日成立。當此之時。而中國之內訌。依然不息。寔足以令此種大事業難以告成。日法英意美等聯合國。政府深諒中華民國大總統爲解決內訌起見。已經採取之處置。而抱多大之希望。同時承認南方領袖諸氏之態度。亦表示欲以同樣穩健之方法。解決此次之紛爭。而深爲欣幸。因此五國政府。茲特聲明。對於北京政府。及南方領袖諸氏。將拋棄其區區關於個人感情上。及關於法理上岐說之見地。且細心避去足爲平和建設障礙之一切虛偽策略。將從速披瀝誠意。從事討論。以期本於法理之大綱。與足以樹立中國民福之感情。發明使中國國內舉平和統一之是所必要之妥協手段等徵候。甚願以同

(辰談) 世界大事記

三百十四

情與期待歡迎。日英法意美各國政府對於中國南北兩方面。努力謀解決其向所主張之各種案件。極表深厚之同情。同時五國政府。又欲明白聲明對於中國南北之解決案件。並無何等干涉之企圖。亦並無欲指示何等特種妥協條件。或欲左右之意思。且是認此等妥協之條件為當然。應由中國人士自行協定者。五國政府極希望盡力聲援南北兩方面。欲謀定現妥協統一之熱望。及努力以期中國國民得參與目下列強所企圖之改造世界之偉業。而發揚其向日之國威也。

●三日倫敦電。協約國國際大會今日閉會。協約國代表明晚離此。聞協約國國際大會一致議決要求荷政府引渡德前皇與皇太子。因彼等於戰時曾違背國際公法也。某要津消息。協約國國際大會之決議案。今晨曾提交戰爭內閣。俾經核准後。作為媾和大會應行政策之公認條款。坎拿大紐芬蘭澳大利亞之首相。及斯末資將軍等之未參與協約國國際大會者。均於今晨列席內閣會議。歷半小時之久。於是協約國國際大會復會議良久。乃邀戰爭內閣各員加入開聯合會議。約一小時之久。遂閉會。

又電。自休戰條約簽定後。英俘自德回國者。共有四萬餘人。

●四日倫敦電。今晨參與協約國國際大會之代表。離倫敦時。維多利亞車站歡送者有數千人之多。車站懸英法國旗。入口處有軍隊排列。月臺之上。有樂隊奏樂。康諾特公爵代表英皇抵站。當火車開赴海濱之際。有飛機一隊在空護送。

華盛頓電。是晚美總統起程赴歐。同行者其夫人及外相藍辛。至五日搭華盛頓號船起碇。

●五日里昂電。羅馬尼亞京城消息。英法軍已正式入布加萊斯脫。羅馬尼亞王飛蝶南及其參謀。亦在統率協約國得勝軍將領之列。城中滿懸羅馬尼亞及協約國國徽。十字路口建有凱旋門。四處張貼歡迎詞。羣衆由露台及屬中投擲鮮花於軍隊。英法軍

又電。捷克斯拉夫共和國總統瑪薩里氏。擬於星期五日。由倫敦赴巴黎。返泊拉格。瑪氏乘居留倫敦時之機會。與英國政治家討論扶助俄國之必要。及捷克斯拉夫共和國在此舉中所佔之地位。關於現時政局問題。尤以將來和平大會所當討論之奧匈土地問題為最要。雙方交換意見。絕無隱諱。所有內閣閣員及外交家之與瑪氏交接者。殊表同情。瑪氏得有極大之感觸云。

又電。比王及后偕同王太子。於星期四日下午。行抵蒲洛業叢林車站。法總統及其夫人。參衆兩院議長。政府官員等。羣往歡迎。比王及其扈從於人民歡呼聲中。經過蒲洛業叢林路。香愛利齊路。大廣場。協和橋。赴外務署改設之比王行宮。比王及后在行宮中。陸續按見比僑及外交團。法總統及其夫人。於星期四日晚設筵。總統府歡迎比王及比后。愛麗薩倍資。

倫敦電。英相喬治氏。發表其政見時。謂德前皇有意激成戰禍。侵犯比國。必須懲治。彼曾徵集英國法學家多人之意見。一致皆以與德前皇共同犯罪者。及施行潛艇襲擊者。虐待戰俘者。均應由國際公法裁判為言。他日媾和大會開議時。英政府將要求懲治德前皇以彰公道。協約國現以專門家組織委員團。以研究強令中歐諸國賠償戰費之方法。喬治繼述安插海陸兵士。增多出產。佈置房屋。及他種建設問題。切寃聲明各界互相信任。以增出產之必要。並謂資本家不許受人劫掠。勞働家不許受人苛待云云。殖民部大臣華特朗氏。今日在韋斯特明斯特演說。謂英國在媾和大會中。將力爭以英人保留德國殖民地。國會議員斯密士氏。今日在利物浦演說。謂政府之意。不欲以德國殖民地寸土交還德國云。

巴黎電。是日法首相由倫敦返法。比皇及東宮於是日往巴黎。

●六日敦倫電。彼得格勒過激黨。恐協約軍攻入俄國。現復殺害平民。刦焚民居。法國微言報載稱。英艦隊已應

愛斯沙尼亞政府之請。佔據里伐爾。以期遏阻過激黨前進。過激黨現仍仁意行暴。

巴黎電。威爾遜總統請許其展緩到法。將於十二月十三日在白萊斯登陸。

柏林電。法統將福煦氏。以最後書致德政府。謂當紹休戰條約即速交出車輛等具。

英國蘭開希爾棉業罷工之謀。雖經設法阻止。竟無效果。今日因工資問題而罷工者。將有十萬工人。

●八日里昂電。法總統首相參衆兩院秘書長議員及美英意大使於禮拜日行抵盧連州古都美資(Metz)城。福煦上將致歡迎詞。法總統答復表示其感念。繼閱兵。並贈貝丹上將以法國上將之勳章。

●九日海參威電。霍爾瓦特將軍今晚語客。謂謝米諾夫將軍與柯爾恰克海軍大將衝突之真相。彼未接有確實消息。惟彼所知者。謝軍已散。謝氏逃亡之謠言。絕無根據。彼意謝氏非有意受過激黨之煽動者。蓋謝氏平日嘗竭力反對該黨。第加爾米柯夫將軍既與謝氏握手。則大局更將吃緊矣。客問謝米諾夫與加爾米柯夫均為哥薩克兵急進之領袖。何不使赴烏拉爾陣線立功求榮乎。霍稱此為解決問題之善法。奈二人皆視遠東為彼等活動之特殊區域。而不肯離去耳。海參威日下人心殊為不安。其故因政局不靖。運輸不便。物價飛漲。此外尚有一事。則為遏制過激黨運動之方法過寬。是也。直至今日。始漸採用較為嚴厲之方法。鐵路現局亦甚嚴重。

俄國今所有之鐵路裝備及火車。皆不敷用。故不能設法自助。霍爾瓦特將軍謂俄國願將鐵路歸協約國管理。並設一顧問部處置關於鐵路之諸問題。惟路務之行政與立法權。仍須由俄人握之。該問題延宕不決。足以阻滯商業窒礙建設事務。今為俄國與協約國至要之利益計。此間人士對於此舉。不可不急求進行也。

●十日東京電。日本媾和會大議使牧野男爵等所乘坐之東洋汽船會社天洋丸。

於本日午刻在萬歲之歡呼聲裏。由橫濱解

續。且有飛行機五架。魚雷艇數艘。直至港外。又中國媾和使陸徵祥等所乘日本郵船會社之諭訪丸。亦與之相前後。由橫濱出發。北京政府又決定國內南北講和代表為朱啓鈴等十人。

●十二日香港電。據某報謂德皇威廉欲以手槍自盡。己為侍者所阻。適侍者被傷云。

●十四日美總統威爾遜(Wilson)抵法京巴黎。法總統柏杏格雷(Poincaré)及首相格雷蒙梭(Clemenceau)公迎。接極厚。是夕設宴。法總統有讀演詞。威總統致答。深表兩國交際之感情云。

十五日葡萄牙國總統 (Paes) 被刺客所射。命中三彈即辰崩殂。

十九日意皇及皇子悲繫蒙 (Piémont) 抵巴黎。法總統柏杏格雷。首相格萊曼梭。及各閣員抵車站迎接極厚。

二十日西班牙首相路馬怒尼 (Romanones) 氏往巴黎。首相格萊蔓梭公及外相比重 (Pichon) 公來接。

## 國內之部

河內市會——河內市會於十二月十五日開會於翻巧場。陳列品物極盛。

前面之兩行廊則陳設西人在本處所

製造之各物。並礦產等項。後面及兩旁各行廊。則陳列本地之土貨。

雕刻品。織造品。鑄冶品居多。又有本地人新出產之香浣粉食

油。香水等物。中折出產品。則爲絲綢等項。南折則鹹水等物。亦占多數。

場之最後方則陳列各項花菜及牛羊鷄鴨等物

其牧畜之進步。亦可概見。場之東有某船局建一船。即爲航遊陸海船之告白。

場之西爲上游土人各種之居屋。自開會後

貿易光景大爲鬧熱。遊觀士女繹絡不絕於道。仍切望吾人遊觀市會者。當對此市會發起其振興寔業之觀念。勿謂之爲一行樂部者可。

沙露全權大人被刺客所傷。——十二月十五日河內市會開市。全權大人及西南各大憲。於上午十

點鍾蒞會。纔到會場下車。忽被刺客以手槍行刺。中全權大人之左股。即辰各官擁大人上車往醫

院。其刺客則爲西人名題榮。亦即辰被陸軍大將所目擊。大將指揮警兵場捕的犯。聞某兇犯前在河東省爲附辨。參辦之職。因侵

蝕公款。故被上官所革職。無業遊蕩。仍近聞全權大人已憐其無業。賜銀二百元。仍又不知感德。却施此暴橫之舉。

其人之無良。亦已極矣。自全權大人入醫院後。大法總統及屬地尙書我大南皇帝。及京中欽使大臣。機密院高

綿王。哀牢王。及各處首憲。雲南都督唐繼堯。均有電來探問。聞全權大臣傷處不甚重。約十餘日可以痊

好。噫彼兇犯者。罪大惡極。望政府當從重治。以慰我國人之心矣。

(辰談) 國內之部

三百十八

# 聖諭罷科舉法

啟定三年十一月初四日學部奉

上諭據本年九月二十二日(即西曆一千九百十一年十月二十六日)機密院臣計議十月十八日(即西十一月二十一日)學部臣片請

各理。炤之科舉之法古辰所學視今辰所用不同。雖歷代亦有收得許多穎達可爲本國及歷史上之光榮。乃馴至今辰不啻花而不寔。凡有國家欲其文明進化公理彰明必須逐漸改良制度。且究宜聽從民士願望播將格致核子使之遍通國語字及法字而於學課章程內漢字亦不偏廢。蓋將來用人當取自最普通學識中人也。

準定

## 第一款停罷科舉法

第二款量留來年會試爲最後之一科。

## 第三款凡選補文班官吏並學法試法其章程另各定例。

## 第四款機密院臣並學部臣各隨權分炤這章程施行欽此。

第一百二十三號

## 學部恭錄

▲ 政府會議——今年政府會議於十二月十八日下午三點開會在河內全權府。因全權大人病體未平復乃由副全權蒙綦猶(Mongjoo)大人代行主席。預會者中南北三圻及高綿哀牢各大憲及工商各代表。由副全權大人讀開會辭。繼分班炤常例查究各支消簿至二十一日下午散會。聞副全權演詞有云沙露全權大人擬於今次會議演說宣佈大法戰勝後屬於東洋之政治仍因大人被傷故只炤常開會云。

(改正) 本誌第十七冊文學我南漢學古後觀題內第二百四十六張第六行「太祖出鎮於順化」等字排工誤排爲「肇祖」茲改爲「太祖出鎮於順化」